

天一閣藏明代方志選刊

洪雅縣志

一九六三年六月上海古籍
書店據寧波天一閣藏明嘉
靖刻本景印原書版框高二
○四公分寬一四·二公分

嘉靖洪雅縣志

新修洪雅縣志序

天下郡縣有志非古也而所以志之則遠
意也在昔虞書詢政周禮圖籍杞宋不足於
文獻孔子惜之志可少乎哉故夫當官者類
以盡心三事為要而不知土俗未宜不可以
語治典獻未惇不能以成績信乎無所施於



政則亦何以寄其心也載也謏陋承乏於茲
餘六年不能於職每念邑無志籍參酌莫據
俛俛然欲有所就而未能者乃咨邑庠廣文
王君崇臯暨諸士友旁搜博訪以求典故而
考訂焉而筆削大指則斷自鄉先生少叅張
公足成之顧愚有一日之責敢託一言以引

其端夫公之意豈惟紀一邑之事以信諸今
以傳諸後哉蓋政莫大於經野教莫重於職
方事莫切於宜民禮莫先於定志苟於世教
政體吏習民隱無繫焉雖洪弊廣調無益也
維茲洪雅

國初曾省入夾江至成化間始復縣之隸於嘉

定應參井鶉首之靈挹岷峨雅江之秀其精
神降發固宜毓為英賢鍾為淳樸允稱蜀之
良邑然民庶而田則瘠地隘而賦則繁脫有
天時不常征輸難緩則斯民之困也可勝道
哉是故觀於斯志之作事舉其要言刪其煩
則地輿之廣狹食貨之贏縮建置之興廢人


物之臧否以及藝文之勸戒一披閱而即得之稽古驗今因時立政神而化之變而通之劑量撫字之道因革補救之宜是在長民者加之意而已而愚則不能也請因志之成也敬序其修之之意以自勗并以竢夫後之賢者以備觀風者采擇焉

嘉靖四十一年八月之吉文林郎知洪雅縣
事滇曲靖東載序

洪雅縣志叙

叙曰余今年罷叅貴藩始明農於野值歲大旱日視僮奴抱甕田間乃曉江東侯雅尚文史以邑志屬余余素荒落且謀生方亟何能爲後顧文獻失傳後死者之事也其胡可辭乃搜敗帙中得舊稿略倣遷史撰次之云夫縣治興華山川上下民習推移與凡具之地理者皆掌故所先故志疆域其目九曰縣紀曰縣表曰星分曰山川曰地名曰古蹟曰丘墓曰寺觀曰風俗疆域人民非官不守禮樂教化非官不行其人存則其政舉故志政教其目四曰秩官表曰名宦列傳曰建

設曰祠祀有田則有租有身則有役治人者食於人食人者
治於人故志食貨其目十一曰戶曰口曰田曰賦曰歲辦曰
課程曰庸調曰兵防曰驛傳曰物產曰水利尚友論世其則
不遠二家似是後世述焉故志人物其目五曰人物表曰鄉
賢列傳曰仕籍曰列女曰仙釋乃藝文則行遠鳴盛有由來
矣故其目六曰序曰記曰傳曰墓誌曰牒著曰詩閤月成編
遂授梓人如其增飾以俟君子嘉靖壬戌四月旣望雲山野
樵張可述書



主事府

山

聖壽寺
聖壽寺口
聖壽寺口

聖壽寺
聖壽寺口

慈壽寺

山脈

府史司

阿縣

風白

白臺
白臺
白臺

小沙洲

新縣

金寶

將境

垂仁

白臺

白臺

白臺

白臺

白臺

白臺

白臺

白臺

白臺

白臺

白臺

白臺

洪雅縣志目錄

卷一

疆域志

縣紀
縣表
星分
山川
地名
古蹟
公墓

寺觀
風俗

卷二

政教志

秩官表
名宦列傳
建設
祠祀

卷三

食貨志

戶口田賦歲辦課程庸調

兵防驛傳物產水利

卷四

人物志

人物表鄉賢列傳仕籍列女仙釋

卷五

藝文志

序記傳誌銘集著詩

洪雅縣志卷一

雲山野樵張可述撰次

疆域志

縣紀 縣表 星分 山川 地名 古蹟 丘墓

寺觀 風俗

縣紀

唐堯置九州地在梁州域

虞置十二州梁如故

夏復九州梁如故禹貢蔡蒙旅平和夷底績地在蔡蒙東和夷有和川水入雅江

商爲涇州域

周武王伐紂庸蜀羌玁微盧彭濮之師從

武王克商省涇合雍地在雍州城

春秋戰國地屬巴子

秦惠王八年使司馬錯伐蜀虜巴子盡有其地

漢高祖王巴蜀地屬之

高后六年城棘道開青衣

武帝元鼎六年分廣漢置犍爲郡

昭帝置益州刺史部

新莽改蜀郡爲導江

獻帝建安十八年省州并郡復禹貢九州改梁曰益

初平二十一年劉備分犍爲立江陽郡以蜀郡屬國爲漢嘉郡

後周置洪雅鎮

隋文帝開皇十三年置洪雅縣屬眉山郡

唐高祖武德元年以縣置乾州

五年省南安縣入乾州

太宗貞觀元年改眉山郡爲眉州省乾州入